



## CONCURSOS DE DISFRACES DO ENTROIDO DE RIVEIRA 2020

### LUNS 24 DE FEBREIRO

#### BASES

Enmarcado dentro do Entroido 2020, o **Concello de Riveira** en colaboración coa Asociación de Empresarios e a hostalaría de Riveira organiza un concurso de disfraces premiando con diversas gratificacións económicas nas súas categorías a mellor individual, parella e grupo. As condicións e requisitos para a participación son as seguintes:

#### **1.- PARTICIPANTES DISFRAZADOS**

**1.1.-** Poderán participar aquelas persoas maiores de 18 anos. Non obstante o anterior, non poderán participar nin donos e empregados dos locais participantes, así como persoal da área de cultura do Concello de Riveira.

**1.2.-** Aqueles participantes que opten aos premios do luns 24 de febreiro terán as seguintes especificacións:

- Non se poderá participar en máis dunha categoría nin obter máis dun premio por concurso.

#### **2.- PARTICIPACIÓN DOS LOCAIS - INSCRICIÓN**

Os locais hostaleiros que queiran participar deberán inscribirse no enderezo electrónico [sanroqueturismo@gmail.com](mailto:sanroqueturismo@gmail.com) ou no telf. 686 58 70 00 a partir da publicación dos concursos no Boletín oficial da Provincia (B.O.P) e como data límite ata o venres 14 de febreiro de 2020.

Aos locais participantes entregaráselle tarxetas coa ruta dos distintos locais hostaleiros que deberán entregar aos clientes que desexen concursar e deberanlla selar aos concursantes en cada establecemento (nun mínimo de cinco establecementos diferentes) que despois entregarán no prazo establecido.

#### **3.- CONCURSO**

O concurso ten por finalidade premiar aquelas persoas que resulten elixidas como mellores disfraces do ENTROIDO 2020 no municipio riveirense.

##### **3.1. Mecánica do concurso**

Poderá formar parte do concurso toda persoa ou grupo de persoas maiores de idade que acudan disfrazados aos locais hostaleiros, adscritos a este certame, a noite do luns 24 de febreiro en horario de 22.00h a 4.00h.



#### FIRMANTE - FECHA



Nestes establecementos poderán pedir unha tarxeta con todos os locais participantes das que deberán ter selo ou firma de ao menos cinco deles para que sexa válida.

Todos os participantes no concurso deberán enviar a imaxe da tarxeta selada e a fotografía do disfrace sacada nun dos locais hostaleiros adscritos ao enderezo electrónico [sanroqueturismo@gmail.com](mailto:sanroqueturismo@gmail.com) cos seguintes datos persoais (nome, apelidos, teléfono de contacto e DNI) dunha das persoas (representante) que aparecen na mesma e indicar a que categoría ou modalidade do concurso se presenta (individual, parella ou grupo) sendo empregada para a deliberación do Xurado, cedendo o dereito da imaxe ao Concello de Riveira.

### 3.2. Requisitos de participación

Maiores de idade que acudan disfrazados aos locais participantes nas datas e horarios sinalados e realicen unha imaxe nos mesmos, cubrindo unha tarxeta selada ao efecto segundo o especificado nestas bases. A Organización resérvase o dereito a excluír do concurso a aqueles participantes que non reúnan os requisitos de validación que considere necesarios.

### 3.3. Duración

O concurso desenvolverase nos locais de hostalería do municipio de Riveira adscritos a este certame no prazo sinalado, durante a noite do luns 24 de febreiro de 2020 dando comezo ás 22.00 horas e remate ás 4.00h.

### 3.4. Prazos para enviar as fotografías

Os prazos para remitir os datos, a imaxe da tarxeta selada e a fotografía dos participantes é a seguinte: dende o luns 24 de febreiro a partir das 22.00h ata o luns 2 de marzo ás 23:59 h.

## 4.- PREMIOS

O concurso outorga premios cun importe total de 2.500€ distribuídos en tres categorías e tres premios para cada unha delas.

### Categorías:

Existen tres categorías con tres premios para cada unha delas: **mellor disfrace individual, mellor parella e mellor grupo**, este último composto por un mínimo de catro persoas.

Os premios serán outorgados aos mellores disfraces ou conxunto dos mesmos establecéndose as seguintes modalidades premiadas:

#### - INDIVIDUAL

**1º PREMIO: 200€**

**2º PREMIO: 100€**

**3º PREMIO: 75 €**

#### - PARELLA

**1º PREMIO : 400€**



La autenticidad de este documento se puede comprobar con el código 07E40006F6CF00L9M0Q9J0W7H6 en la Sede Electrónica de la Entidad

#### FIRMANTE - FECHA

UNAI GONZALEZ SUAREZ-TÉCNICO DEPARTAMENTO CULTURA - 31/01/2020  
MARIA JOSE SAMPEDRO FERNANDEZ-CONCELLEIRA DELEGADA DE CULTURA, INFRAESTRUCTURAS E URBANISMO. - 31/01/2020  
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 31/01/2020 14:04:15

EXPEDIENTE :: 2020CONV000002

Fecha: 23/01/2020

Hora: 00:00

Und. reg: REGISTRO GENERAL



**2º PREMIO: 200€**

**3º PREMIO: 100 €**

**- GRUPO (mínimo de catro persoas)**

**1º PREMIO: 800€**

**2º PREMIO: 400€**

**3º PREMIO: 225 €**

A todos os premios seralles de aplicación a redución do IRPF correspondente. O Concello de Riveira poñerá en contacto cos gañadores para facer efectiva a entrega das gratificacións das categorías premiadas.

### **5.- XURADO**

O Xurado do concurso estará composto por membros do **Concello de Riveira**, da **Asociación de Empresarios** e a **hostalaría de Riveira** que emitirán o seu veredicto ao longo do mes de marzo do presente ano podendo facer a entrega ao longo do mes de abril.

### **6.- TRATAMENTO DOS DATOS, IMAXE E DEREITOS DE AUTOR**

Os participantes do concurso, ao facilitar os seus datos e as imaxes, ceden automaticamente os dereitos de divulgación e reprodución por Internet ou por calquera outro medio audiovisual, das fotografías que se tomen durante o desenvolvemento do mesmo. Esta cesión realízase no contexto do presente concurso e afecta tamén aos datos persoais segundo o disposto na lexislación vixente na materia. Así mesmo, os participantes consenten automaticamente ao participar a utilización de devanditas imaxes nas que poidan aparecer, para os fins descritos no parágrafo anterior.

### **7.- ACEPTACIÓN DAS BASES**

A aceptación destas Bases é condición indispensable para a participación no concurso e para poder optar aos premios. O incumprimento por calquera participante das condicións establecidas nas Bases suporá a súa anulación automática non podendo optar aos premios.

### **8.- DECISIÓN DO XURADO**

O xurado terá a potestade de decidir no marco destas bases sendo inapelable o seu xuízo, así como declarar deserto algún dos premios sempre e cando considere que a calidade dos disfraces non acaden o mínimo esixido segundo o seu criterio.

En Riveira, á data da sinatura dixital.

María José Sampedro Fernández.  
Concelleira de Cultura



La autenticidad de este documento se puede comprobar con el código 07E40006F6CF00L9M0Q9J0W7H6 en la Sede Electrónica de la Entidad

#### **FIRMANTE - FECHA**

UNAI GONZALEZ SUAREZ-TÉCNICO DEPARTAMENTO CULTURA - 31/01/2020  
MARIA JOSE SAMPEDRO FERNANDEZ-CONCELLEIRA DELEGADA DE CULTURA, INFRAESTRUCTURAS E URBANISMO. - 31/01/2020  
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 31/01/2020 14:04:15

EXPEDIENTE ::

2020CONV000002

Fecha: 23/01/2020

Hora: 00:00

Und. reg: REGISTRO GENERAL

